

後漢書集解

肅宗孝章帝紀第三

宋

宣

城

太

守范

睦

唐

章

懷

太

子

賢

操

王先謙集解

肅宗孝章皇帝諱烜顯宗第五子也

諡法曰溫克令儀曰章伏侯古今注曰烜之字曰著音丁

達反母賈貴人

集解惠棟曰帝王世紀孝章皇帝以中元三年生於京師其母姓祕不出號其墓曰長信冢

永平

三年立為皇太子少寬容好儒術顯宗器重之

集解惠棟曰東觀記永平三年二月

以皇子立為太子年四歲幼而聰達才敏多識世事動容進止聖表有異壯而仁明謙恕溫慈惠和寬裕廣博親愛九族矜嚴方厲威而不猛既志于學始治尚書遂兼五經周覽古今無所不觀由是上敬重之每事諮焉十八年八月壬子即

皇帝位年十九尊皇后曰皇太后壬戌葬孝明皇帝于顯節陵

帝

紀曰顯節陵方三百步高八丈其地故富壽亭也西北去洛陽三十七里集解先謙曰續漢書載鮑昱諫帝欲下羨道見禮儀志注

冬十月丁未大赦天下賜民爵人二級為父後及孝悌力田人三

級脫無名數及流人欲占者人一級爵過公乘得移與子若同產
子鰥寡孤獨篤瘡貧不能自存者粟人三斛詔曰朕呂眇身託于

王侯之上統理萬機懼失厥中兢兢業業未不知所濟深惟守文之

主必建師傅之官詩不云乎不愆不忘率由舊章詩大雅也鄭玄云愆過也率循

也由用也言成王之令德不過誤不違行太尉事節鄉侯熹三世

在位為國元老趙熹光武時為太尉明帝時行太尉事故曰三代在位元長也詩曰方叔元老司空融融

融典職六年勤勞不怠其曰熹為太傅融為太尉竝錄尚書事武帝

初以張子孺領尚書事錄尚書事由此始集解惠棟曰陶藻職官要錄云尚書有錄名自此始因是以來每帝初即位輒置太傅錄

尚書事羅泌云書內于大麓自孔安國以為大錄萬機之政而桓譚新論以為麓者領錄天下之事若今之尚書然蓋自漢以來有

是說矣是以章帝置太傅錄尚書事羅莘云錄尚書事自牟融始宋百官志成帝初王鳳錄尚書事章懷注以為始於張子孺皆誤

西京無錄尚書止有領尚書平尚書事鳳止領三事大夫莫肯夙尚書事爾先謙曰由此始即謂由融始注不誤

夜小雅之所傷也詩雨無正之文也三事三公也鄭玄注云幽王在外三公及諸侯隨而行者皆無復君臣之禮

不肯晨夜省王予違汝弼汝無面從尙書益稷之文也孔安國注云我股

肱之正義也羣后百僚勉思厥職各貢忠誠曰輔不逮申救四方

稱朕意焉十一月戊戌蜀郡太守第五倫為司空詔征西將軍耿

秉屯酒泉酒泉今肅州縣也前書音義曰城下有泉其味若酒因名酒泉也遣酒泉太守段彭集

紀作殷彭惠棟曰袁宏救戊己校尉耿恭甲辰晦日有食之集解惠棟曰續志在斗二十一

度是時明帝既崩馬太后制爵祿故陽不勝於是避正殿寢兵不聽事五日詔有司各

上封事十二月癸巳有司奏言孝明皇帝聖德淳茂劬勞日晏身

御浣衣日晏日昃尙書曰文王白朝至于日中晏不遑暇食食無兼珍澤臻四表尙書曰光被四表

遠人慕化僬僥儋耳款塞白至款扣僬僥儋耳解見明紀克伐鬼方開道西域

伐鬼方遠方易曰高宗三年克之威靈廣被無思不服曰烝庶為憂不曰天下

為樂備三雍之教躬養老之禮作登歌正雅樂博貫六藝周禮保氏教之

六藝一曰禮二曰樂三曰射四曰馭五曰書六曰數前書藝文志日以禮樂春秋易詩書為六藝博貫謂究極深幽耳集解劉攽曰

注前書藝文志曰以禮樂春秋案文多一日字先謙曰官本考證
云雅宋本作子王應麟困學紀聞云東都賦本作正子樂五臣改
作雅
樂 不舍晝夜集解惠棟曰東觀記孝明紀上夜讀眾聰明淵塞

著在圖讖河圖曰圖出代九天開明受用嗣興十代以光至德所

感通於神明功烈光於四海仁風行於千載而深執謙謙自稱不

德無起復廟埽地而祭除日祀之法春秋外傳曰日祭月祀時享

祧則時享今此除日祀之法從時月之祭集解劉攽曰注三祧則

時享案自古但有二祧無三祧明三字誤惠棟曰許慎五經異義

云古春秋左氏說古者先王日祭於廟月薦於高曾謹案叔孫通

宗廟有日祭之禮知古而然也棟案叔孫通漢禮日祭於寢月祭

於廟時祭於便殿明帝遺詔無起寢廟故除日祀省送終之禮遂

之法也韋昭國語注曰日祭祭於祖考謂上食也藏主於光烈皇后更衣別室天下聞之莫不悽愴陛下至孝烝烝

奉順聖德臣愚已為更衣在中門之外處所殊別宜尊廟曰顯宗

其四時禘祫於光武之堂間祀悉還更衣續漢書曰五年再殷祭
為昭南向子為穆北向禘以夏四月祫以冬十月禘之為言諦諦
審昭穆尊卑之義祫者合也冬十月五穀成故骨肉合飲食於祖

廟謂之殷祭四時之祭外有五月嘗麥三伏立秋嘗黍盛酎十月嘗稻等謂之間祀即各於更衣之殿更衣者非正處也園中有寢有便殿寢者陵上正殿便殿寢側之別殿即更衣也集解劉攽曰注立秋嘗黍盛酎案漢制立秋嘗黍黍稷也八月飲酎此文誤出一盛字少八月飲三字先謙共進武德之舞如孝文皇帝祫祭高

廟故事前書高廟奏武德文始五行之舞制曰可是歲牛疫京師及三州大旱詔

勿收兗豫徐州田租芻橐其已見穀賑給貧人集解劉攽曰案詔無它語不當有其字

建初元年春正月詔三州郡國方春東作恐人稍受廩往來煩劇

或妨耕農廩給也稍為少少給之不頓與集解劉攽曰注案文為當作謂先謙曰為謂字同其各實覈尤

貧者計所貸并與之并音必政反流人欲歸本者郡縣其實稟令足還

到聽過止官亭無雇舍宿長吏親躬無使貧弱遺脫小吏豪右得

容姦妄前書曰百石已下有斗食佐吏之秩言小吏也詔書既下勿得稽留刺史明加督

察尤無狀者無狀謂其罪惡尤大其狀無可寄言故云無狀它皆類此丙寅詔曰比年牛多疾

疫墾田減少穀價頗貴人自流亡方春東作宜及時務二千石勉

勸農桑弘致勞來羣公庶尹各推精誠專急人事罪非殊死須立

秋案驗有司明慎選舉進柔良退貪猾順時合理冤獄五教在寬

帝典所美五教謂父義母慈兄友弟恭子孝也尚愷悌君子大雅

所歎愷樂悌易也詩大雅洞酌布告天下使明知朕意酒泉太守

段彭討擊車師大破之罷戊己校尉官二月武陵澧中蠻叛武陵郡今

澧州水經曰澧水出武陵充縣西歷山之北也三月甲寅山陽東平地地震己巳詔曰集解

曰杜佑云建武中詔三公郡國守相歲舉茂才廉吏所徵舉率皆特拜不復簡試士或矯飾謗議漸生章帝建初元年始復用前漢

丞相故事以四科辟士凡所舉士先試之以職乃得充選其德行尤異不宜試職者疏於他狀舉非其人兼正舉者罪朕已

無德奉承大業夙夜慄慄不敢荒甯孔安國注尚書曰而災異仍

見與政相應朕既不明涉道日寡又選舉乖實俗吏傷人官職耗

亂刑罰不中可不憂與昔仲弓季氏之家臣子游武城之小宰孔

子猶誨已賢才問已得人論語仲弓為季氏宰問政子曰赦小過

舉賢才子游為武城宰孔子謂之曰汝

得人焉爾乎明政無大小已得人為本夫鄉舉里選必累功勞今刺史

守相不明真偽茂才孝廉歲已百數既非能顯而當授之政事甚

無謂也每尋前世舉人貢士或起叨畝不繫閎閱說文曰叨田中之溝音工犬反

史記曰明其等曰閎積其功曰閎言前代舉人務取賢才不拘門地敷奏已言則文章可採明試已

功則政有異迹敷陳奏進也令各陳進其言則知其能否文質彬

彬朕甚嘉之彬彬雜半之貌其令太傅三公中二千石二千石郡國守相

舉賢良方正能直言極諫之士各一人夏五月辛酉初舉孝廉郎

中寬博有謀集解惠棟曰潛夫論云明經寬博武猛治劇此皆名自命而號自定也任典城者已補

長相任堪使也典主也長謂縣長相謂侯相秋七月辛亥詔已上林池籓田賦與貧

人籓禁苑也音語前書音義曰折竹以繩懸連之使人不得往來謂之籓八月庚寅有星孛于天市

史記曰房為天駟東北曲十九月永昌哀牢夷叛集解惠棟曰續書天文志是時

蠻夷陳縱等及冬十月武陵郡兵討叛蠻破降之十一月阜陵王

哀牢王類反

延謀反貶為阜陵侯

二年春三月辛丑詔曰比年陰陽不調饑饉屢臻

集解惠棟曰論衡云建初孟年

中州頗歉潁川汝南民流四散聖主憂懷詔書數至充奏記郡守宜禁奢侈以備用乏言不納用退題記章名曰備乏

深惟

先帝憂人之本

本謂稼穡

詔書曰不傷財不害人誠欲元元去末歸本

而今貴戚近親奢縱無度嫁娶送終尤為僭侈有司廢典莫肯舉

察春秋之義曰貴理賤

集解惠棟曰穀梁傳之文也

今自三公竝宜明糾非法

宣振威風朕在弱冠未知稼穡之艱難區區管窺豈能照一隅哉

史記扁鵲曰以管窺天以隙視文

其科條制度所宜施行在事者備為之禁先京

師而後諸夏

公羊傳曰春秋內中國而外諸夏內諸侯而外夷狄王者欲一乎天下曷以內外之辭言自近者始也

解劉敞曰注案公羊本文曷為以內外之辭言之言自近者始也少之言二字

甲辰罷伊吾盧屯兵

永平十六

年置永昌越巂益州三郡民夷討哀牢破平之夏四月戊子詔還坐

楚淮陽事徙者四百餘家令歸本郡癸巳詔齊相省冰紈方空穀

吹綸絮

紉素也冰言色鮮潔如冰釋名曰縠紗也方空者紗薄如

吹噓可成亦紗也前書齊有三服官故詔齊相罷之

六月燒當羌叛金城太守郝崇討之敗

績羌遂寇漢陽秋八月遣行車騎將軍馬防討平之十二月戊寅

有星孛于紫宮

三年春正月己酉宗祀明堂禮畢登靈臺望雲物大赦天下三月

癸巳立貴人竇氏為皇后賜爵人二級三老孝悌力田人三級民

無名數及流民欲占者人一級鰥寡孤獨篤癯貧不能自存者粟

人五斛夏四月己巳罷常山呼沱石曰河漕

石曰河名也在今定州唐縣東北時鄧訓

上言此漕難成遂罷之漕水運也音才到反

行車騎將軍馬防破燒當羌於臨洮

臨洮縣名

屬隴西郡即今岷山之州集解惠棟曰防傳破羌在三年春先

謙曰臨洮今鞏昌府岷州唐為岷州和政郡注山之二字蓋衍

閏月西域假司馬班超擊姑墨大破之

姑墨西域國名去長安入千一百五十里

月丁酉呂馬防為車騎將軍武陵淩中蠻叛

淩水名音婁源出今澧州崇義縣西北山

是歲零陵獻芝草

集解惠棟曰論衡云零陵泉陵女子傅甯宅土中忽生芝草五本太守沈鄴遣門下掾衍盛獻

之詔會公卿郡國上計吏民皆在以芝草告示天下續漢書曰芝長者尺四寸短者七八寸太守使功曹齎之以獻

四年春二月庚寅太尉牟融薨夏四月戊子立皇子慶為皇太子

賜爵人二級三老孝悌力田人三級民無名數及流人欲自占者

人一級鰥寡孤獨篤癯貧不能自存者粟人五斛己丑徙鉅鹿王

恭為江陵王汝南王暢為梁王常山王昞為淮陽王辛卯封皇子

伉音抗為千乘王全為平春王

平春縣屬江夏郡集解先謙曰今汝甯府信陽州西北

五月丙

辰車騎將軍馬防罷甲戌司徒鮑昱為太尉南陽太守桓虞為司

徒

虞字仲春馮翊人集解惠棟曰東觀記虞字伯春遷尚書僕射據法斷事周密平正以為能擢為南陽太守袁紀云虞馮翊萬

年人初為魯令以父母老去官二親既終訖乃仕稍遷南陽太守表賢黜惡校練名實豪吏無所容其奸百姓悅之建武以來太守

名稱無及虞者及為三公無他異政六月癸丑皇太后馬氏崩秋七月壬戌葬明德

皇太后

集解劉攽曰按陰后不稱太則此太衍字也錢大昕曰按光烈章德和熹安思順烈桓思靈思諸后之葬皆書皇后

此獨書太后冬牛大疫集解惠棟曰續志是時竇皇后以宋貴人

毀之章帝不知實十一月壬戌詔曰蓋三代導人教學為本前書

代之道鄉里有教夏曰教殷曰序周曰庠集解劉攽曰夏曰教教當作校漢承暴秦衰顯儒術建立五

經為置博士其後學者精進雖曰承師亦別名家言雖承一師之

別為一家之學長更為章句則孝宣皇帝曰為去聖久遠學不厭博故遂立大小

夏侯尚書後又立京氏易大小夏侯謂夏侯勝勝從至建武中復

置顏氏嚴氏春秋大小戴禮博士嚴氏謂嚴彭祖顏氏謂顏此皆

所已扶進微學尊廣道藝也中元元年詔書五經章句煩多議欲

減省至永平元年長水校尉儵樊儵奏言先帝大業當已時施行欲

使諸儒其正經義頗令學者得已自助孔子曰學之不講是吾憂

也又曰博學而篤志切問而近思仁在其中矣論語文也講猶習

言人能博涉學而後識之切問於己所未悟之事近思己所能及之事好學亦仁之一分故仁在其中矣集解錢大昕曰按博學以

下乃子夏之言非孔子語蔡邕傳小能小善雖有可觀孔子以為致遠恐泥亦子夏語也漢書藝文志引雖小道必有可觀者焉王充論衡引死生有命紂之不善不如是之甚皆以為孔子語說者以為古人引書多誤其實非也攷藝文志云論語者孔子應答弟子時人及弟子相與言而接聞于夫子之語也云接聞于夫子則其言皆孔子所取矣故漢人引論語雖弟子之言皆歸之孔子非由記憶於戲其勉之哉於是下太常將大夫博士議郎郎官博士之誤

常故及諸生諸儒會白虎觀講議五經同異使五官中郎將魏應

承制問續漢志曰五官中郎將比二千石侍中淳于恭奏帝親稱制臨決如孝宣

甘露石渠故事前書甘露二年詔諸儒講五經異同蕭望之等平奏其議上親制臨決焉又曰施讐甘露中論五經

於石渠閣三輔故事曰石渠閣在未央殿北藏秘書之所作白虎議奏今白是歲甘露降泉陵

洮陽二縣二縣屬零陵郡泉陵城在今永州零陵縣北洮陽故城在今湘源縣西北集解惠棟曰論衡云甘露下泉陵零

陵洮陽始安洽道五縣榆柏梅李葉皆洽溥威委流漉民嗽吮之甘如飴蜜先謙曰泉陵在今永州零陵縣舊唐志州北二里洮陽

在今桂林府全州北州志三十五里故州灘

五年春二月庚辰朔日有食之集解惠棟曰續志在東壁八度東壁為文章是時羣臣爭經多相非

毀者詔曰朕新離供養去年馬太后崩愆咎眾著上天降異大變隨之詩不

云乎亦孔之醜詩小雅曰朔日辛卯日有食之亦孔之醜孔甚也醜惡也又久旱傷麥憂心慘

切公卿已下其舉直言極諫能指朕過失者各一人遣詣公車將

親覽問焉其曰巖穴為先勿取浮華前書鄒陽曰顯巖穴之士甲申詔曰春秋

書無麥苗重之也春秋莊公七年秋大水無麥苗公羊傳曰一災不書待無麥然後書無苗何休注曰不書穀至

麥苗獨書人食最重也去秋雨澤不適今時復旱如炎如焚炎焚言熱氣甚韓詩旱魃為虐

如焚如炎凶年無時而為備未至朕之不德上累三光震慄切切痛心

疾首切音刀詩曰憂心切切又曰疾如疾首前代聖君博思咨諏咨諏謀也音子余反雖降災

咎輒有開匱反風之應武王有疾周公作請命之書藏於金匱後管蔡流言成王疑周公天乃大風禾木盡

偃成王啟金匱得書乃郊天謝過天乃反風起禾事見尚書今予小子徒慘慘而已其令二千

石理冤獄錄輕繫禱五嶽四瀆及名山能興雲致雨者冀蒙不崇

朝徧雨天下之報尚書大傳曰五嶽皆觸石出雲務加肅敬焉三

月甲寅詔曰孔子曰刑罰不中則人無所措手足今吏多不良擅

行喜怒或案不己罪迫脅無辜致令自殺者一歲且多於斷獄甚

非為人父母之意也書曰元后作人父母有司其議糾舉之荆豫諸郡兵討

破武陵淩中叛蠻夏五月辛亥詔曰朕思遲直士側席異聞遲猶

也音持二反側席謂不正坐所以待賢良也集解惠棟曰曲禮有

憂者側席而坐鄭元注側猶特也不布他面席案側席與儀禮側

殺側受醴之側同憂在進賢故側席注非何若瑤曰史衛

將軍傳索隱遲者待也思遲直士思待直士也注說不詞其先至

者各已發憤吐懣略聞子大夫之志矣集解惠棟曰賈逵國語注

皆欲置於左右顧問省納建武詔書又曰堯試臣已職不直已言

語筆札書舜典曰朕其試哉又今外官多曠竝可已補任戊辰太

傅趙熹薨冬始行月令迎氣樂東觀記曰馬防上言聖人作樂所

可因歲首發太簇之律奏雅頌之音以迎和是歲零陵獻芝草集

氣時以作樂器費多遂獨行十月迎氣樂也

惠棟曰論衡云生泉陵男子周服宅上六本色狀如三年芝并前

凡十一本汪文臺曰司馬書記獻芝草見類聚八十七九十八又

御覽九百八十五載司馬書記五年零陵女子傳甯宅內生紫芝
五株長者尺四寸短者七八寸太守沈豐使功曹齋芝以聞帝告
示天下又一事有八黃龍見於泉陵伏侯古今注曰見零陵泉陵湘水中
駒無角集解惠棟曰論衡云湘水去泉陵城七里水上聚石曰燕
室邱臨水有俠山其下巖壑水深不測二黃龍見長出十六丈身
大於馬舉頭顧望狀如圖中畫龍燕石邱民皆觀見之去龍可數
十步又見狀如駒馬小大凡六出水遊戲陵上蓋二龍之子也并
二龍為八出西域假司馬班超擊疏勒破之
人移時乃入

六年春二月辛卯琅邪王京薨夏五月辛酉趙王盱薨集解錢大昕曰趙王

良傳子節王栩嗣立四十年薨而本紀中元元年永平六年並書趙王盱惟永平五年書趙王栩必有一誤栩與盱音相近而譌也

六月丙辰太尉鮑昱薨辛未晦日有食之秋七月癸巳呂大司農

鄧彪為太尉

七年春正月沛王輔濟南王康東平王蒼中山王焉東海王政琅

邪王宇來朝夏六月甲寅廢皇太子慶為清河王立皇子肇為皇

太子己未徙廣平王羨為西平王秋八月飲酎高廟禘祭光武皇

帝孝明皇帝

前書高廟飲酎奏武德五行之舞音義云正月旦作酒八月成名曰酎者言醇也武帝時因八月當酎令

諸侯出金助祭所謂酎金也丁孚漢儀式曰九真交阯日南者用犀角二長九寸若瑋瑁甲一鬱林用象牙一長三尺已上若翠羽

各二十準以當金集解

甲辰詔書云

集解劉放曰案文少一曰字官本考證曰此注應在書云

二字之上謂詔字

祖考來假明哲之祀

假音格格至也尚書夔曰於子擊石拊石搏拊琴瑟

以詠祖考來格言明哲祭祀則能致祖考之神來至

予末小子質又菲薄仰惟先帝烝烝之

情前修禘祭已盡孝敬朕得識昭穆之序寄遠祖之思今年大禮

復舉加已先帝之坐

言顯宗神坐今新加之

悲傷感懷樂已迎來哀已送往

雖祭亡如在而空虛不知所裁庶或饗之豈亡克慎肅雍之臣辟

公之相

肅敬雍和相助也詩大雅曰有來雍雍至止肅肅相維辟公天子穆穆言百辟諸侯來助祭皆有肅雍之德無懈慢

也集解惠棟曰逸齋詩補傳云賢之此注豈韓齊魯三家以頌為雅耶雅頌昔嘗亂矣賴孔子刪詩然後雅頌各得其所賢欲復亂

之皆助朕之依依

依依意思慕之意

今賜公錢四十萬卿半之及百官執事

各有差九月甲戌幸偃師東涉卷津

卷縣名屬河南郡也卷音丘權反集解先謙曰今懷慶府